



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 4. Crux gloria Christi.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Memento mei, cum veneris in regnum tuum. Luc. 23. 42. Da mihi regnum, commemoras: quid enim regni vides? clavi, & crux est, quod inspicis. Sed ipse, crux, inquit, regnum est; & ideo eum regem nomino; quia Crucifixum inspicio. Imperatorum est, pro omnibus mori, & regis optimi pro communi utilitate nunquam recitare supplicium. S. Chryf. f. de Cruce & latr.

Ex Patribus.

Cruce regni sceptrum, diadema pukhritudinis, virga potentia. S. Andreas Cret. or. in exalt. S. Cruc.

Principatus Domini, & regnum, Crux est. Est bene animadverteris; invenies non aliter regnare in nobis Jesum, nisi per afflictionem. Theophylact in Luc. c. 23.

S. Laurentius Just. vocat Crucem Ducis nostri gloriosissimum vexillum. in Exalt. S. Cruc.

Non à Nazareis precipitari, non à Jerosolymitis lapidari, non ab Herode perimi; non alià voluit morte consummari; sed Crucis expectare voluit triumphum. Ipsa enim est typus Monarchia singularis; ut in nomine Jesu omne genua stentur, Philipp. 2. 10. Et hoc est, quod cacumina Crucis caelos ostendunt, ima peccant inferos, cornua terram tegunt. S. Bonav. in Luc. 4.

Cruce Regnum Patris, Sceptrum Filij, sigillum Spiritus Sancti, totius est testimonium Trinitatis. S. Rupert. lib. 6. c. 21.

§. IV.

Cruce gloria Christi.

Moses, & Elias, cum eo loquentes.

Math. 17. 3. Præter tres causas transfigurationis Christi, & adfectorum Moyfis, & Elia, hanc quartam ponit: ut crucis gloriam ostendat; & tam Petrum, quam reliquos, qui passionem formidabant, consolaretur, & ad sublimius erigeret. Non enim tacebant; sed loquebantur de gloria, quam completurus erat in Jerusaleme: de Cruce videlicet, & Passione; Sic enim ipsam semper appellabant. S. Chryf. in Math. hom. 57. Loquebantur de excessu, Euthym. loquebantur de cruce, Alij. loquebantur de gloria. Crux enim, quæ aliis probrum, Christo gloria fuit. Quis enim non glorificet Christum, qui pro nobis voluit Crucifigi? Escob. t. 1. mir. Chr. l. 12. sect. 1. Obs. 1.

Ita exaltari oportet Filium hominis. Jo. 3. 14. Cur Christus D. Crucifixionem suam, non suspendium, sed exaltationem, vocat? S. Anastasius Sinaita l. 4. de rectis fid. dogm. *datus est mihi omnis potestas in caelo, & in terra.* Matth. 28. 18. Acti manifestè diceret: auctoritatem gloriæ istius Crucem esse. Sylv. hic q. 36.

Nondum erat Spiritus datus, quia Jesus nondum erat glorificatus. Joan. 7. 39. Quoniam nondum fuerat crucifixus, non erat Spiritus S. hominibus datus. Illud quippe glorificatus, idem valet, - quod Crucifixus. Nam

est res est naturâ suâ ignominiosa: quia tamen eorum causâ fiebat, quos amabat; gloriam illam Christus appellat. Sanct. Chryf. tom. 6. or. de S. Pent.

Ex Patribus.

Cruce inter omnia maxima gloria Christi est. Theophyl. in Luc. 22.

Cruce trophæum contra demones erectum, gladius contra peccatum. Crux Patris voluntas, Unigeniti gloria, spiritus exultatio; angelorum decus. S. Chryf. tom. 6. or. in Crucem Domini.

O ineffabilis potentia Crucis! ô admirabilis gloria Passionis! in qua, & tribunal Domini, & iudicium Mundi, & potestas est Crucifixi. S. Leo l. 8. de Pass.

Cruce gloria tua est, crux imperium tuum est super humerum tuum. Portas portantem te: qui portat Crucem tuam, portat gloriam tuam; qui portat gloriam tuam, portat te: portantem autem te portas super humerum tuum. Drogo Ost. de triumph.

§. V.

Ex Cruce nota Divinitas Christi.

Tu es Christus. Marci 8. 31. Ubi Petrus Christum Filium Dei confessus, coepit eos docere, quoniam oportet Filium hominis multa pati. Victor Antiochen: posteaquam Divinitatis suæ sensum illis impressit, doctrinam de Cruce, & passione, mox subjunxit. Ut scilicet facilius ejus Divinitas crederetur; nec absq; Cruce volebat Deus prædicari. de Castillo llat. 243.

Plenitudo fidei, Crux Domini. S. Ambr. in Luc. 6.

§. VI.

*Cruce victoriosa Christo, & nobis.**Ex Scriptura.*

Surge, Domine, & dissipentur inimici tui &c. Num. 10. 35. dicebat Moyses, cum arca foederis elevaretur. Cum autem deponeretur, aiebat: *revertere Domine ad multitudinem exercitus Israel.* v. 36. Ità etiam, cum Christus D. cujus imaginem arca illa ferebat, elevatus est in Crucem, ad pugnandum contra hostes suos, dictum est illi per Prophetas: *surge Domine, & virtute tuâ cuncti tui hostes dissipentur.* Postquam autem corpus descendit in speluncam, & anima in limbum; clamabat sponsa: *revertere Domine ad multitudinem exercitus Israel,* de Ponte in Cant. 2. Exh. 39. §. 1.

Tuli Jabel clavum. Judic. 4. 21. Infra-cta, & invicta arma; in quibus Ecclesia Dei conterit, & aufert caput serpentis, Crux est Jesu. Anastas. Sinaita l. 12. hexam.

Tuli unum lapidem. 1. Reg. 17. 49. jecit, inimicum in fronte percussit; cecidit eo loco corporis, ubi signum Christi non habuit. S. Aug. in Pl. 143.